

AVP y Futuro mustrando “era nobo” den gobernacion di e pais

DESPUES di algun dia sumamente interesante y cual por hasta wordo cualifica como dianan tenso, combersacion y negocacion a continua entre partido AVP y Futuro riba formacion di un coalicion nobo pa dirigi Aruba.

Palabranan manera “utlimatum” a cay, a scucha di tension formal den negociacionnan, a scucha cantidad di agresion verbal innecesario pero for di esunnan involvi den negociacionnan, ningun palabra.

Si tin confrontacion entre dirigentenan di e dos partidonan, si tin hasta desacuerdo, tur esakinan mester ta bon señal cu negociacionnan cu a bin ta tumando luga, ta negociacionnan realistico y hopi serio entre dos partido cu ta muestra determinacion den nan pensamiento y intencionnan.

Desde entrada di Status Aparte, pais Aruba a conoce diferente gobierno di coalicion y sin duda, sin kita nada, mayoría a conoce difirencianan di vision y opinion caminda den varios caso hasta interes partidista y personal, a conduci na kiebro den e coalicion.

Cu pais Aruba ta rekeri un gobierno nobo mas pronto posibel sin duda ta un asunto concreto y serio pero bou di ningun circunstancia tin cu acepta loke e pais a conoce y biba for di 2017 te cu awor, caminda politiconan pa sinti cu nan ta den gobierno, pa sinti cu nan tin e poder y cu nan tin e stoel di Minister, a impone nan propio interes partidista y den algun caso, interesnan personal.

Esey no por ta e caso actualmente ya cu mientras cu tanto AVP como Futuro a firma un acuerdo di intencion caba pa traha hunto, tin cu pone un coalicion cu riba ningun nivel of aspecto lo por tin difirencianan grandi cu riba cierto tempo e gobierno aki tin cu hala un banda pa falta di diferencia den vision.

Pueblo di Aruba tin mester di un gobierno, cu lo atende cu tur su necesidadnan, soluciona su problemanan, cu tin cu trece alivio caminda tin sufrimiento, tin cu trece respet caminda cosnan a bay for di man y percura pa tin solucion pa necesidadnan di prome ordo di pueblo.

Mester tin seriedad y sinceridad entre e dos partidonan y e hecho cu tin diferencia di opinion riba cierto puntonan, ta algo sumamente saludabel cual tin cu ser atendi cu tur seriedad cu por tin y no solamente formula un documento cu riba dje 10 punto, pa bay San Nicolas y firma esaki como un tipo di acuerdo di gobernacion.


E ultimo coalicion di MEP y RAIZ a tuma algun dia pa wordo forma ya cu asina cu resultado di eleccion di 2021 a bira conoci, tin politiconan cu tambe a logra un of mas asiento den eleccion, kendenan a trata di reuni pa mira con lo cambia futuro di e pais aki.

Sinembargo ni 24 ora despues a bira conoci cu ya tin un entendimiento entre MEP y RAIZ caminda nan a logra totalisa 11 asiento cual tabata un mayoría pa por a goberna cu esaki te ora cu nan no por a goberna mas aña pasa.

No tabatin nada riba papel, ningun vision y a duna RAIZ pa su falta di experiencia algun “pret pakket” como Ministerio ya laga e dos Ministernan lucha cu esakinan sin cu nan a ricibi e respet necesario di nan colega di coalicion.

Ta un super bon señal cu AVP y Futuro ta negociando, deliberando y cu tin diferencia di opinion riba algun punto, ya cu esaki ta muestra seriedad di ambos partido y ta un señal pa pueblo cu cosnan ta canando den direccion serio, den bon direccion y cu e administracion aki lo bay duna pueblo solucion pa henter e pais.

Esaki ta e era nobo den politico, cu tanto politiconan a papia di dje prome y durante di campaña electoral y ta un politica nobo cu pueblo a sostene y a vota pa esaki.



ARUBA PORTS AUTHORITY NV
ORANJESTAD + BARCADERA

we are [Looking for]
candidates for the position of:
Deckhand

The Deckhand is responsible for securing the tug during berthing and unberthing operations, ensuring it is safely fastened to the docks and other vessels. The Deckhand is also responsible for the condition and reliability of the deck equipment by means of preventive maintenance. The Deckhand performs routine (household) activities such as cleaning and rinsing of the Tug (after every trip), chipping and painting, cleaning of the galley/messroom/accommodation/restrooms/wheelhouse ('stuurhut') and all remaining indoor facilities.

For more information visit www.arubaports.com